

四庫全書

集部

欽定四庫全書

學餘堂詩集卷三十一

翰林院侍讀施閏章撰

五言律

宗鶴問見過長干客寓

宗時讀書金觀察
官舍將歸廣陵

寺遠城南路朝來江雨寒如何歸棹急還索故人看避
俗且官閣藏身誰釣竿邦關餘舊好一為問平安

訓白孟新枉過寓園不值兼感與治之作

徑僻從蒿塞亭空接樹陰
忽迴窮巷轍重感故人心
白日少閒客清風依茂林
匣琴吾欲碎流水見遺音

渡江題袁公序西園

讀書園舊僻愛客許重過
新竹水逾綠半亭雲自多
夏涼添白袷峰遠隔滄波
剌有遊山興還能共蹋歌

二

編籬深就竹大澤近依城
滿地踏林影四時聞鳥聲
開尊荷館淨散帙石牀清
棲託吾何有悠然濠濮情

浴江浦湯泉

宋孫莘老秦太虛有詩見惠濟院碑記今不存又梁
昭明浴處名太子泉今堙廢

尋源冒雨行泉上喜山晴適體溫涼稱濯纓水雪清殘

碑尋惠濟舊跡感昭明歸詠還遐想朱砂峰下情

黃山朱砂

峰下湯泉
香潔第一

晚過金使君長真因同仙裳鶴問小飲分賦

清懼從造次小坐一開顏春去尊前得夜涼池上閒客

筵看白紵官舍有青山耆舊驚猶在何當數往還

清涼寺遇白孟新

石頭精舍古留與肯閒人玉局曾遊地

寺有蘓長公碣

香山未

老身軒窗含海日書卷傍松筠況復求羊在孤吟有四

鄰

時倪閣公蔡鉅升諸彦並讀書山寺

二

尚憶華陽別相逢漸白頭幽尋潭上路夜語竹邊樓宮

井看前代悲懽感舊游祇今誰郭李極目暮雲愁

時言及黃

漳浦周
鹿溪事

掃葉上人山樓

小閣看雲盡層欄古寺隅竹聲清坐臥江色在虛無過
客留詩滿勞人倚檻孤不妨禪定處長對莫愁湖

淮上于郡丞轉餉豫章還過白門相值

來往軍麾裏相逢說苦辛官貧從遠道客老未閒身小
酌秦淮酒行歸渤海濱勞勞羸見面猶勝寄書頻

錫山道南祠一稱東林書院

二吳鄒魯地彥會說東林絕學看誰嗣前賢共此心庭

陰叢竹滿雲接九峰深石屋存者舊風徽尚可尋

東林之學

舊推高忠憲公今猶子彙旗學使嗣主講席一稱石屋山樵

雲起樓

錫山吳明府所築在惠泉上

好據九龍麓重開百尺樓浮雲無處所此地一淹留塔
勢掌中出松聲泉上秋月明賓從集何似庾公遊

惠山寺試泉

自蓄滄浪意尋源過竹房松風清入聽雪乳快初嘗覺

洞知泉穴披雲臥石牀中冷復何似留賞下斜陽

吳門聽雨

昨夜還家夢鄉心計旅程僧邀光福寺客臥闔閭城遲
暮爭山水江關警甲兵白鷗真妬汝浩蕩寄平生

玄墓聖恩寺

不到湖邊寺安知靈境稀松聲涼石逕水色散林扉古
墓沈蒼蘚疎鐘滿翠微夕陽雙桂下一坐得清機

飲汪鈍菴宅

時屏跡謝客
為予入郡

不分枉蘭棹重蕪開竹扉窮交存白髮小酌坐清暉官
在還山久書成示客稀倘同吳市隱相傍老漁磯

二

別業蘓臺外幽棲何處尋入園松逕綠高枕石湖深萬
卷供多病千春獨寸心離筵珠造次還擬就遙岑

次韻尤展成水哉軒四首

滄洲庭戶裏獨坐興悠哉雲壑留逋客江城得釣臺柳
深時覆榻月上一銜杯語默看誰共惟應二仲來

二

清光長在水入夏獨冷然竹露半窗雨荷風五月天閒
庭看鶴舞高館對鷗眠樂府清聲出雞林已遍傳

三

盛年名早達豈合老江濱

聖主嗟才子浮生託醉人狂吟流水曲嬾奉屬車塵誰
念羊求客愁來罷釣綸

四

野橋鷗鳥外浮舫僅籬間對酒客長滿著書身復閒泉
通笠澤浦峰遠洞庭山仙鯉吾能跨行當數往還

答蔡右宣

何人復吾道之子獨追攀家世清流後交游滄海間論
文花塢靜好古竹房閒應有千秋意深居且閉關

送筠上人自吳門移錫玉峰次大可韻

久坐生公石應同彌勒龕別峰還獨往高論許誰參人
結蓮花社詩分貝葉函看君成夙悟寧待老瞿曇

蘓州高使君蒼巖郡齋夜宴

同余澹心吳園次錢
官聲劉震修姜學在

韻限

良宴坐清光官齋一草堂地寬容樹綠人靜愛宵長皎
月入尊酒涼風吹客裳殷勤此時望誰是獨思鄉

二

吳苑風光好曾聞銷夏灣今宵五湖月偏照幾人閒微
露下高樹清歌懽別顏何當緩征棹一問洞庭山

余澹心追送同舟至惠山

離人逢好友一棹傍林丘
遠送同明月相看總白頭
野橋疎柳臥蒲寺亂雲秋
信宿傾情話閒心到十洲

吳伯成明府餞別惠山嘉樹堂即席限韻

同余澹心吳修

齡周原培嚴
孫友家緝揚

共為河朔飲坐愛水邊樓
蘿屋夕陽少風林殘暑秋
園幽邀客住泉響傍人流
相送情何極蓉湖繫雀舟

泊河橋

人聲喧夕岸舟子報河橋
殘暑亂螢火涼風歸柳條
市

荒金罷柝夜警數移橈漸覺秋光逼明河出絳霄

泊定武遇雨

殷雷翻絕壑急雨過前林夾岸暝烟合孤舟秋色深歲
荒多難路客久未歸心明日鄉程近無勞白髮侵

歸自東壩乘迅風過固城湖

湖光清濯纓歸棹北風生正感新秋節俄兼兩日程浦
雲無次第江樹遠逢迎萬事吾遲暮空餘擊楫情

哭蒲瑞生先輩

八十應無恨平生重可悲貧纏黃髮後鰥自少年時舊
帙留殘淚慈孫絕見期魂銷臨訣語早索哭君詩

一孫北遊

國學

旌陽西竺寺

山名棲真相傳
實子明修棟處

寺占棲真地春陰巖際歸泉根來處遠峰頂到人稀山
郭入深翠仙臺知是非夕陽看不足半嶺又雲飛

梓山

梓岫城頭出梅溪杖底流嵐光橫滿縣泉響曲依樓過

雨長新綠看題感舊游山腰好精舍歸路重淹留

丙辰中秋對月

月復中秋好人誰此夕同未寒從露坐拚醉莫樽空亭
閣澄江畔關山戰壘中虎丘清絕處又隔五湖東

王安又中秋見懷索和

幾度憐光滿清宵不共懽移家成小別亂世喜粗安露
白三秋桂寒摧九畹蘭應存故人意斟酌慎盤餐

郝元公學博以母艱歸潁州

謝公亭畔路相送滿離愁陟屺腸空斷過江楓正秋
臯比餘講席書卷伴歸舟一老趨庭在休教淚不收

二

仕隱差相近誰言生計微前賢懷潁水時事樂郊扉
疊嶂看雲去西湖喜客歸含情劉子驥書信自今稀

潁州有西

湖劉公誠居
潁書數至

重九講學湖北懷王便朴不至

袞袞登高日誰貪講席閒相將來座上早已出人間
水

白湖邊樹霞明天際山所思勞佇望祇見片雲還

送汪友月歸歙

萬山黃葉路亂定一人歸書帙增多少家園認是非
畫從時輩乞心入世情稀舊業中丞後風流屬布衣

送吳同父遊涇川

敬亭看未厭尊酒復離亭匹馬踏霜去羣峰夾路青
官齋懽舊雨野寺伴寒星倘問琴高蹟臨溪試一停

送祖上人之溧水精舍地有東廬山

眼前真靜者幾輩却輸君舊洗龍池鉢行隨瀨水雲無
言能說法高坐自離羣知傍東廬住清鐘何處聞

為吳愷仲書冊

崖中從坐嘯湖海氣空羣酒泛邗江月衣飛白嶽雲路
難重結客身隱自論文山館梅花早含情應為君

涇川鄧明府偉男招讌水西烟雨亭因留坐月宿

楚公山房

偕同甫天石
瞿山限韻

一亭收衆妙客到及晴遊水落雲帆遠風疎山磬秋數

峰爭返景斗酒得滄洲舊句慚留碣重來漸白頭

廿年前舊

作張菊水明府為
余刻碣置壁間

二

地主懼難罄雲歸客未還殘尊邀好月清話聚寒山講

席荒祠古

有水西
書院

禪宮短榻閒青蓮與黃蘗此夕倘人

間

寺為黃蘗道場
有李太白題詠

過新嶺

地擁大郭險天橫疊嶺遙傾崖連虎口細路出峰腰未

夕警孤客半空無野樵頻年飛鐵騎誰說上青霄

過歙城題舊主人松屋

相距十餘家
即蒙古戍所

不信橫戈地猶餘舊屋存見初開笑口愁轉拭啼痕白
日柴門閉比鄰塞角喧主人霜髻在好護老松根

亂後新安作

新都成絕塞歲晚客誰過殘壘傳烽數荒城避馬多艱

難尋故舊悵惜好巖阿閩海還酣戰安危定若何

指日
賊受

矣擒

歙州懷汪栗亭邦上戲東

短札經年少殘春憶別愁吳州何處寺邦水幾回舟下
榻諸侯渴牽衣小婦留紫陽虛舊館把酒不同遊

先歸次烏溪却寄瞿山旌陽客舍

寒天還遠道宿霧間重雲野店人烟少山亭畫角聞馬
飢餐落葉鴉晚噪歸羣忽憶同行客那堪岐路分

寄王言遠同年

耆舊今垂盡安危定仗誰路從南浦別入老北山陟步

歷肯看客郊扉閒對碁亂離希問訊忍惜數行詩

晚泊李陽驛

沙岸新栽驛鷗邊舊有樓山雲紅野燒戍鼓急江舟月

伴勞人坐天寒戰地愁前軍問消息正向鷺洲頭

時間大兵

次吉安

哭周伯衡

失路歸偏晚從軍老復來人間爭用武天上倘憐才官

止成雙淚吾禁賦八哀秋風吹楚澤魂斷幾時回

二

青髯推良史黃門舊諫臣江湖一垂翅荆楚竟枯鱗詩

憶把杯日殞看行路人吹噓真誤汝非是不安貧

君初由庶

常遷給諫外轉左官未補
被薦軍前候用客死楚中

自贈

雨雪催年盡干戈老若何教兒誰警策慎爾莫蹉跎早
歲文章送平生藥物多歸田良草草十載負巖阿

二

海內誰知己詩名亦偶然久諳才是累翻倚病為年雀
警風前竹山通雪後泉近來差小樂未擬向人傳

答親舊

未必耽高臥棲遲復幾年將身付書卷留眼對山川詩
債應寬病僧交或類禪鹿門遊不遂此意想前賢

李杞瞻寄從軍詩一卷

世路今嗟楚時名尚說官祇應作客老誰信乞歸難飽
聽從鼙鼓閒知羨釣竿新詩來不易歎惜幾回看

泊三山峽守風

魯明江在眼白日限迷津雪沒前山盡舟移淺港頻濤
聲驅暮節天意老歸人借問君何事殘年滯客身

三山峽夢叔父

幸未經時臥病深筋力微不堪衰髻短重望旅人歸小
閣風吹杖孤舟雪滿衣無從問寢膳魂繞故園飛

歸次蕪江雪後得好月

十二月十五

積雪皎如此夜江生曙暉多情添月滿清景一冬稀漁

火寒皆白檣鳥坐不飛家人應佇望祇道客帆歸

雪後過于湖懷湯巖夫

江邊半畝宅高臥是山村餘雪掩蓬徑何人開竹門多
書成臂病賞酒剩瓢存隔岸不相見孤舟誰共論

蜈蚣渡雪凍灘淺捨舟夜抵黃池

孤舟難去住落日若為情棹響敲冰過宵明踏雪行荒
原愁傍虎野戍借防兵問渡重頻喚垂堂念此生

玉面狸

汝性貪山果誰憐委玉盤
擎將縣共輓望與雪爭寒
過狡投羅少傷肥入饌難
從人覓方法邀客試同餐

元旦後一日立春初晴

丁巳

椒花方昨日雪霽趁芳辰
卷幔明雙眼探梅醉幾人
溪山歡獻歲雲物解憐春
稍覺東風動檐前報鵲頻

送梅瞿山自仙源遊黃山兼懷太平官明府

聞說黃山面都從縣裏看
登樓峰可數過嶺雪猶寒
浚谷尋僧少奇松入畫難
風流仙令在應得慶交懽

萬玉菴古梅追和吳園次太守

相傳宋元間物吳從蕪沒中表出之

獨樹傳何代支離復此時
斧斤餘鐵幹冰雪自花枝
僻傍空山老閒從野客知
使君勞物色誰惜歲寒姿

周山公少府移樽五峰山古梅下

客為畫溪來難孤下若杯多
君攜野興邀我就山梅古
木寒雲護青峰細雨開何人
知吏隱耳熱重論才

朱義人白溪草閣

城東平野地物外白鷗鄉
徑入梅花曲家傳茗理長
癭

瓢多節目弁嶺接青蒼萬事園居好憑欄愛夕陽

題五峰禪院

直近峰頭路憑棲雲外身一燈長不夜雙樹老為鄰貝
葉藏經古蘿衣舊衲貧休公有詩癖逸興向何人

長興書所見

櫻筍初殘後楊梅欲熟時蠶成秋稅急溪旱夜船遲若
水浮清醕銅峰展翠旂田禾猶未插處處賣新絲

山中得雨

旌陽隱龍
村舍作

客臥碧山村奔雷殷樹根稻花爭雨出菱葉喜波翻水
急前溪碓雲封野寺門乍涼秋太急蟲響數聲喧

孝威廣陵書至索近詩兼傷故舊凋落

淮海三年水陵陽一夏晴愁深人共老書到眼初明文
酒多時別悲懽百折情浮名吾意盡高枕臥山城

同高尚字使君過山陰懷張荀仲蔣大鴻

客棹連官舫宵分過越州寒烟迷水驛殘月見城樓者
舊何人健山川壯歲遊祇憑鷗鷺語為我報離愁

南明山大石佛

往余過剡中同年胡新昌海若曾約遊南明寺有大
石佛碑稱齊僧護淑梁僧祐相繼琢成二世實一人
故又稱三世石佛

夙負南明約年侵尚許攀靈巖開絕壁法相舊青山石
瘦松皆少崖高雨未還三生誰記取泉響自潺潺

國清寺

志稱隋大業間建

勝地從茲入諸峰拱處尊過橋松引客到寺水當門大

業傳燈遠寒山爨石存泉聲自饒舌日夜向人論

高明寺

四山深翠裏天許一招提路入藤陰合簾飛花雨低神
猿依古洞馴虎過幽谿明日尋華頂重攀萬丈梯

石梁觀瀑

飛梁橫絕壁天路出雲端澗合雙崖闕山鳴十里寒蟄
龍時起舞仙老坐盤桓此徑終安往孤亭盡日看

出靈峰洞將往靈巖

雁蕩
山中

愛說前山好，褰裳洞口行。
積烟無去住，疎雨亂陰晴。
石巧皆成象，峰多不記名。
遙看又靈境，天柱獨崢嶸。

自羅漢寺度芙蓉嶺行經海濱

嶺多盤鳥道，路復繞蛟宮。
老眼禁嵐霧，衰顏受海風。
客行山壘逼，野爨島烟通。
見說鯨波惡，驚心潮汐中。

時海舶數

乘潮
剽掠

白石村

康樂有巖下行田詩即此

謝守經行處，村墟白石傳。
山田滋曲礧，玉甌出青天。
屋

過烽烟在人奔虎穴全

地嘗駐兵村人多
逃入山數十里

却留藜杖客

重醉菊花筵

東甌大觀亭

海隅初解甲霜際一登臺正爾臨風處能聞到手杯孤
城環水白九斗拂雲開謝客巖前過徒憐春草摧

登孤嶼江心寺

文信國嘗駐
兵有正氣祠

凌虛雙塔涌破浪一洲閒蜃市林巒上潮音鐘磬間篇
章傳謝孟鼓角舊江山正氣祠仍在哀歌向夕還

甌城客舍在華蓋山下

香林華蓋下僧臥竹房清地枕青牛塢亭看白鹿城暮
雲來海色涼雨送經聲鄉思如潮汐無端日夜生

過青田


殘邑如村市溪清宿雨開亂山攢水綠飛瀑向人來艇
窄欹難坐灘高上却迴此邦王佐出尚想濟時才

哭門人徐武令

仲冬十日予抵湖上尋武令殘已
旬餘矣壁上有遺詩讀之腸斷

尚把新詩贈俄驚見面難文章真氣象骨相豈清寒阿

驚孤雛小衰親萬事殘空遺垂絕語拭淚幾回看



學餘堂詩集卷三十一

欽定四庫全書

集部

學餘堂詩集卷三十二至五

詳校官檢討_臣劉錫五

助教_臣常循覆勘

總校官庶吉士_臣何思鈞

校對官檢討_臣蕭九成

謄錄監生_臣張映奎

欽定四庫全書

學餘堂詩集卷三十二

翰林院侍讀施閏章撰

五言律

寄汪舟次司訓贛榆

憶共西山宿高歌
豈宦情一羶連大海
五字竟長城
夜雨桃花水
春風畫角聲
憂時休悵望
絃誦是平生

時淮徐方

決可

送梅耦長讀書水西寺

時赴鄧明府之拈

近家將母易作客好安居朔雪梅花過東風柳葉初
晴官閣酒山夜佛燈書更共遠公住高談世慮疎

時楚水和

尚駐錫水西寺

雪中同李書卿赴姑江講會

此事何人急同心一會難得聞寧諱晚將老敢求安
襍被孤舟共江梅幾樹看天門從振策不畏北風寒

四弟讀書曹塘枕上有懷

忍送離家塾含悽淚滿襟衰親餘幾日志士惜分陰好
是鹽味堅須鐵石心誰知余不寐為爾夜沈吟

二

汝婚將抱子吾意且成人骨肉今皆遠詩書好獨親窓
明松際月花競水邊春祖德孫枝在相期慎此身

早春過雙溪別業示兒輩

莫負江東好天南尚戰場青山看我老白髮為渠長滿
逕容書帶高柯覆草堂雪中來幾日又見柳條黃

送張荀仲先生

白頭來不易別去又相望山驛沈春雨江帆趁夕陽窮
愁同此日安穩定何鄉縱有音書數風烟恨轉長

二

吾叔衰逾甚能禁別思催徒然把雙袂無計倒深杯知
已平生少開懷幾客來山陰好巖壑佇立獨遲回

依水園為劉佩長題

予偶舉杜名園依綠
水之句遂為園名

傍池營竹屋許客定園名暑日涼侵榻春風綠滿城林

陰餘鹿柴花盡足鶯聲太傅傳家舊應懷別墅情

君大父工

峯先生為
名侍御

石埭尋姚明府

積雨迷官路長亭倦客歌嶺雲寒不去澗水晚逾波古
驛看人少青山抱郭多不因彭澤宰肯復此經過

二

汎愛頻留客絃歌自好音論文一尊酒交臂九秋心吏
隱仙潭古官齋佛閣深鳳城飛鳥近萬一慰分襟

閱喬東湖詩

把卷山初霽開軒獨酌遲誰知左司後再見東湖詩巖
塢雲深處江潭月白時相思倘相值披豁共心期

應

名入都留別親舊

林壑

君恩重棲遲鶴髮新心將同木石名敢玷絲綸黃閣憐
知己青山解笑人匡時計疎闊多恐負楓宸

二

闢門真

聖主 禁苑富羣賢
半豹吾何有 雕蟲世偶傳
生涯餘藥餌 嬾臥信江天
舊侶應相憶 東風夜月圓

三

休沐非歸隱 山田薄且耕
時艱須管葛 祖德舊周程
衰謝看才盡 關河觸暑行
不知宣室召 何策對昇平

先太父允

升公墜先大人世篤理學

四

烽烟猶未息山澤忍安居白髮千行淚輕裝數卷書

聖朝容老拙野性稱樵漁却笑從前事無端賦子虛

章少

孤依叔父今年垂
八十臨別吞聲

書秦淮水亭

津亭移客舍暑坐當山家此地餘歌管何年罷戰笳月
來溪面白風定柳絲斜忽憶中冷水曾烹峒峇茶

答徐田東先輩送別用韻

青溪少耆舊，亂後得追攀。松寺獨遊僻，世情相對閒。輯
書傳故老，作記問仙山。忽有離人恨，跼蹐夕照間。

時搜輯亡

友楊商賢遺草且索予天台雁蕩遊記

二

畏路懸車久，王程可奈何。涼風生昨夜，秋色度長河。裘
葛中途換，山川倦眼過。稱心無別曲，惟剩紫芝歌。

飲渤海徐聲服郡齋偕方邵村侍御

舊常同官比部

郡齋清夜酒同舍，故人俱促席。留歡劇看顏，與歲殊盤

餐親膾鯉城析警栖烏此地推龔遂君應並駕無

覓寓舍

帝城添野老就屋立躊躇直重愁傾橐官高怯傍居支
牀依敗壁就地委殘書早覺歸心迫家山剌草廬

中秋對月

雨過光逾好天留此夜晴杯乾成獨醉髮白與爭明詞
賦遲枚叔賢良後董生更闌鄉淚下不是別離情

二

驅策妨吾嬾羈栖欲抱疴清輝閒處得令節客中多世
豈終輦鼓人偏夢礪阿強吟渾不寐白露下庭柯

秦對崖分餉惠山泉酒

攜來佳釀逺到手一開襟短髻客方倦黃花秋正深寒
禁燕市月清見故人心更把新詩好牀頭細細斟

夜過石林時陶季永壑舟次在坐用八齊

皎月當頭出朋來步履齊共圍黃菊坐何異碧仙樓文
字已雞肋行藏逐馬蹄憑君話名岳杖策好招攜

時陶
季從

天壽西山回

極言其勝

樞部張公爾成座上見黃橘二樹

好是江南樹移來歲月深相看娛客眼誰遣動鄉心
綠葉垂金滿雙柯合坐陰遙憐洞庭上爛熳醉霜林

二

青霜檐幔隔白日草堂深在楚曾傳頌過淮不改心寒
香爭歲晚留葉接春陰始信相如賦無難入上林

盧橘
夏熟

見相如
上林賦

顧寧人關中書至

卜居從汗漫作客古長安
抗志遺編在論交直道難
輞川園裏住華岳掌邊看
尚有家山夢應知關塞寒

二

顧入秦訪李天生先是嘗客
居齊魯間著有日知錄等書

舊蹟滿西京高談就友生
書曾搜孔壁詩已變秦聲
多難餘身健新編計日成
別來頭並白望遠不勝情

移寓稍遠惱別人

難得良朋近猶嫌見面疎
今朝來覓伴昨日恨移居
避

客少閒地藏身存舊書醉歌狂自可莫是嘆無魚

借書

久客書頻借流觀病欲蘓有懷開萬古無賦擬三都強
記渾如夢多鈔自笑愚軍麾紛滿眼誰念爾為儒

送賀桐意令深澤

舊同子講
學鷺洲

驅馬潯沱上城邊柳色春好將花縣地先報白頭親治
行家風在粗庸里俗淳憶曾同講席君肯讓前人

君先
祖定

齊先生官郡
丞以理學名

歲杪送劉睢寧亮中

余山左
所拔士

分符傍淮浦旅食舊刊闕到日移家近行看飛舄聞人
來鄒魯地邑有鳳凰山惠政春風裏梅花照醉顏

石鵑山房詩為王咸中作

有客堯峰臥

謂鈍翁
先生

何人許共居獨凭千疊石橫擁一

牀書雲谷暖長綠風林秋乍疎從來丘壑意不是為樵

漁

二

讀易牀頭罷移花石罇
栽不知高館靜幾日早梅開書
勒鵝羣帖筵浮木癭杯似聞猿
雀語相勸好歸來

王時在都

下故云

奉懷家叔父

時再舉一孫

藜杖扶衰久窮愁意未閒
雙孫今見面八十倘開顏
藥物應兼酒溪樓却對山
那禁遊子夢夜夜向南還

寄題張水部雷琴

風流懷水部舊物有雷琴
獨抱太古意何人知此音一

歸故山去東望滄溟深島嶼茫茫裏子春應可尋

京邸立春

積雪三冬少晴天幾日長東風何處到遊子未還鄉凍
研冰初釋辛盤菜早香閒庭來鳥雀彷彿是山堂

梅耦長至都下

好友離居久一樽誰共開梅花將照眼早起東風來
天子不得召幾人能愛才高歌夕陽處舊是黃金臺

人日阮亭山長見過同耦長小集

江魚邀客饌，柏酒尚餘清。
天氣暖人日，鄉心共帝城。
鏤金誰作勝，帶甲遠含情。
稍喜成三益，休看白髮生。

二

令節華燈近，清宵皎月佳。
寧知耽野老，堅坐就茅齋。
霽日占人事，春風吹客懷。
時名從側目，嬾漫信吾儕。

早春廿一日微雪喜孝威緯雲見過同耦長小集

拈得天東二韻

梅花難到眼，竹葉好開筵。
正聚梁園客，初逢春雪天。
懽

場看我老狂語畏人傳郢曲誰當賞壚頭且醉眠

二

比鄰能晚集薄雪自春風把卷千秋在銜恩永夜同看
人隨去住驅馬倦西東留滯成何事山花取次紅

送胡鹿起頒

詔楚中

黃鶴樓邊望頻年埃火紅使星銜鳳詔戰地滿春風客
館江花裏鄉園驛路中韜軒咨國計誰奏未央宮

雪後用韻

一夜燕山白光添
鳳闕明良朋隔鄰
曲凍雀下軒楹酒
綠自寒色檐晴乍
滴聲惠連有妍唱
接手悵餘情

送張牖如宰登封

漢武東封處孤城倚翠屏
雪催河柳潤春入岳雲青
仙藥問樵客山光飛訟庭
風流懷仲蔚吏隱當巖扃

次韻張敦復侍讀見贈

賜第連中禁分餐出御廚
聲詩歸大雅啟沃信文儒
漫

說飛騰早還驚述作殊江鄉誠忝竊書札到潛夫

二

青門成久客白雪忽飛聲強記徵三篋高懷動八瀛
宸遊勞扈從天近好揅撐多病容吾嬾相思隔鳳城

往西山暫出國門

何處尋春得春明門外行雨青官柳色花落旅人情
督亢輕陰緩桑乾怒浪生江鄉從此去誤喜是歸程

送顧赤方還蘄州

故人看又去，羈客坐含愁。空手不成醉，何年同後遊。才偏稱野史，名已徧皇州。舊國烽烟裏，休登黃鶴樓。

二

強起非君志，京華空復春。嬾充虎觀客，閒許鹿門身。冠蓋看今日，湖山讓此人。狂歌自通隱，未老豈長貧。

附赤方答詩

先生非愛祿，老去本耽閒。流水無心住，孤雲不戀山。會須存直道，莫只愴離顏。我為虛名

誤，形骸因往還。

畫舫清波送，高林鳥哢閒。誰云薄

冠蓋，祇自戀雲山。綠酒歡詞客，丹沙駐老顏。江天一

萬里身與

鶴飛還

蔡九霞歸吳門

同游京國久衮衮幾回閒易送愁中月難懽別後顏高
齋入花塢歸騎度雲山共是違時客輸君得早還

二

此去休惆悵徵君重姓名論詩陶謝手感逝范張情蒲
月還家近荷風拂暑清文章闢氣象祇讓少微明

時因
王維

夏病革特留
數日經紀

天仙宮尋徐善長

城東仙觀遠白日到人稀移病從開卷閒官肯息機青
蘿深石壁高樹隱郊扉却許論詩客淹留坐不歸

過博問亭

朱邸藤陰合渾疑野客家疎簾風拂坐夏木葉為花海
內論才細城頭落照斜解衣寬禮數隨意共茶瓜

寄題鮑聲來草庭

當湖有吟客莫怪苦思家卻入高齋白園攢老樹斜晴
窓通雀語風逕散藤花那更憑雙屐還吞黃岳霞

曹子清見過至再余偶往慈仁寺不值

鳳城來不易策騎又空還路問茅堂僻人慚野老閒懷
歸勞遠夢惜別各蒼顏惆悵相違處長松夕照間

送鄧孝威

不捧毛生檄將歸却拜官誰知簪筆客仍弄釣魚竿詩
卷餘編暇江鄉晚計寬萊衣今赤紱白髮笑相看

送程碧海明府之旌陽

南行仙吏好秋色照離尊黃菊滿江驛青山攢縣門高

田千嶺徧小郭萬家存父老漢旌旆應沾名杜恩

二

瑯琊曾臥治閩海出羣才抗節賊中見分符江上來山
多風土厚心遠匣琴開郭外西峰寺行吟到幾回

閩亂時公

家居稱疾堅臥不污偽賊

寄張次周妹丈

分手人皆老燕吳道路長閒居饒歲月晚計在林塘園
巢供兒讀村醪喚客嘗浮生粗遣得莫苦鬢成霜

二

吾妹持門戶堪稱偕隱人
歲荒差免亂身健漫愁貧
甲子憐余長溪山夢汝頻一尊
何日共爛醉話松筠

頒俸紀

恩

初以軍興減官俸
會地震牆屋傾壞

詔

四品以下
給全俸

月俸重霑及

恩傳天語來秩卑偏異數
祿厚豈長才虎觀今時緩
鵷

班舊髻摧官閒無一事飽食意遲回

秋日閒居和同年喬石林編修韻

改官俄累月拄笏尚閒居側想千春近回看萬事疎懷
殘投客刺讀倚借人書落葉西鄰過荒庭倦掃除

二

客子歸無計長拚不憶家狂難容白眼貧忍負黃花雨
逼疏簾暗風吹老屋斜前年劇幽興手攬赤城霞

三

自信山農老何當

聖主知搜奇慚識字安拙嬾填詞室小留人坐官貧任
客嗤滄洲吾道在蓄意待來茲

四

經年慵攬鏡怯見鬢絲殘睡每憑書帙吟長繞石欄風
沙催日暮燈火送更闌無策酬

恩遇餘生敢自寬

五

金門從索米漆室敢憂時
鱸憶鮮隨網蓴思滑滿匙
維搖北極朋會罷南皮
賸有呼天淚旁人未遣知

六

乍霽雲初斂輕寒日易晡
攬裘毛似蓐把卷粟成膚
山閣思紅葉家書問白鬚
素餐吾老去浩蕩復何拘

七

傍爐燒紫芋列甕膾寒蔬
味轉憎熊掌香偏畏麝臍
殘葵秋雨數獨樹夕陽低
星隕知何意看垂屋角西

八

衰嫌藥力少病起杖藜輕腕脫煩書札愁眠警柝聲細
蟲終夜語獨雁九霄鳴稍喜無家累翛然几榻清

九

文章成底事秃筆日頻拈敢望班張輩誰能仕學兼清
談收玉塵艷體薄香奩尚有難聞處徵詩債屢添

十

俸錢兼僦屋荒館即高齋土銚人同黥牙籤手自排蒼

顏慚赤紱夢逐青鞵眼底西山近還慳立翠崖

學餘堂詩集卷三十二

欽定四庫全書

學餘堂詩集卷三十三

翰林院侍讀施閏章撰

五言律

送孫子立編修假歸省親

特達邀宸眷如何鄉夢頻
彤廷濡翰客白髮倚閭親
馬渡河冰晚人歸江甸春
早梅花欲放又見綠衣新

二

正向陵陽去經過灘水潯間關調膳意風雨對牀心旅
病緣歸減天寒恨別深前途吟興得殘葉尚楓林

三

鄉園依疊嶂城郭總山居冬饌燒林笋花時奉板輿家
聲梧掖草舊業石倉書好待君王問寧教歲月虛

四

郎居同坐臥老屋共經營夜月論詩醉春風接轡行關
河還鼓角魚鳥自江城故舊憑傳語燕吳無限情

冬夜大風得好月和耦長

風鳴長不寐寒月入簾深戰地關中淚羈人午夜心流
光明短榻清影憶園林殘髻看垂白無勞萬慮侵

梁檀子庶常歸奔父喪

歲暮客歸急水天多晝陰寒增風木淚春感蓼我心書
帙存遺澤茅齋問舊林經過傍廬阜莫聽暝猿吟

二

尚有慈親健猶開老眼看趨庭常飲痛調饕勉承歡野

戍還吹角江洲剌講壇松楸須料理相望在長安

臘月十四夜憶內

夜月寒逾皎遙憐江上村老妻應望遠稚子強開樽薄
宦仍燕市多年期鹿門來朝是初度莫漫有啼痕

已未京邸守歲同耦長用歡字

此夕長安好東風送臘寒寧勝柏酒頌已嬾椒盤家
累緣官劇鄉心遇舊歡陶陶拚永夜猶作壯年看

二

爆竹頻年禁誰知歲節過事從為客減債比住家多史
館虛分席巖疆願止戈早朝脚假寐中夜有鳴珂

林澹亭丁鴈水韜汝枉集小齋

時澹亭
將入都

虛齋延霽景隔巷好招尋共是苦吟客重兼岐路心憂
時從短髮語別送杯深坐覺春陰換江湖興不禁

送王備五令永興

共舫憶江湖分襟野興孤聲名燕市客吏隱楚山隅僻
地絃歌得高齋魚鳥俱他時憑驛使倘肯問潛夫

送鹿芝陽宰宜漳

不遠飛鳬地知君捧檄情山川紆楚塞風物總江城夢
繞高堂切心涵二水清好令烽火後絃誦有遺聲

林祖夏自莆陽寄龍團數片言仿蔡君謨法

滄海論交後離居白髮生遠憑芳草寄獨用古人情殊
品來仙嶠嘉名滿鳳城舊諳方法煮花下自移鐺

庚申中秋

京國秋三過清暉此夕長檐雷朝送雨衣露夜生涼尊

鱸牽歸思親朋當故鄉漫誇文字飲白首厭名場

閏中秋

更覺清輝皎誰言令節過露華渾雪夜寒影沒天河萬
戶砧逾急一年秋倍多關山猶鼓角幾處重悲歌

勅賜翰詹諸詞臣鮮藕紀

恩

八月三十日

莫陞分甘切龍池寵賚遙擎來橫白玉捧出下青霄旋
雪花香在深嘗野興饒漫誇仙掌露渴病已潛消

陳心簡之關東

未遂還鄉計
吞聲復此回
羈愁憑自遣
淚眼向誰開
百折雄才老
殘秋絕塞哀
賜環應有日
仗劍好歸來

贈汪快士

黃山臨戶牖
坐臥擁清暉
一日遊燕市
羣公問布衣
蓮峰歸夢遠
詩卷白雲飛
石篆遺餘興
眼中人亦稀

戴楓仲見寄用韻

相逢從簡畧
接坐得交深
敢託苔岑好
誰憐山水音
錐

藏時見穎雲出共無心萬里雙魚到風期許斷金

曹升六舍人歸奔母喪

北海層冰路看君復此行
蓼莪元掩淚風木重吞聲
宦薄憎為累詩窮悔得名
不堪搔短髮萬里鵲鴒情

送李松客令高淳

少年才力健風壤況稱淳
烟水爭環邑鷗鳬不避人
近

江梅信早到日柳條春
孟六遺文在應憐白屋貧

謂亡友邢

孟貞

之後

康李庸東歸

先是以催科後期失官至是客都下空歸

飲水非宦拙失意却歸來
出每無車騎窮兼到酒杯
山中煨芋得闕下賣琴回
莫便成高隱當途倘愛才

送楊靖調通政歸武林

七載鄉園住懸知世路違
官元堪大隱天許遂初衣
朝署多推挽江湖少是非
黑頭甘襍被肯羨二疏歸

二

戀闕孤忠在還山舊興饒
恩輝自卿月勝地好漁樵
春

水通書屋江聲雜海潮憑君覓安道款款話連宵

同門
戴岵

瞻先生時
同住武林

殘歲憶諸從弟

憶弟成吾病言歸未有期蕪田頻歲歉遠道尺書遲勤

學人誰瘦銜哀髻幾絲官閒分俸薄轉減在家時

時居
憂未

除服

重九日過風氏園

忍負登高興城南園借看空亭叢菊少偃蓋一松寒秋

閨遲霜葉沙晴坐藥欄
茱萸渾不見風物感長安

晚霞

倚杖西峰見嵐光
爛夕曛山腰橫駐日
谷口倒蒸雲樹
絢丹楓亂江明
錦浪分含情餐未
得極目尚氤氲
偶得玉泉水試
敬亭綠雪茶

渴比玉川子茶思
桑苧煎今朝烹綠
雪山客餉清泉甘
露初嘗日秋蘭未
放前官閒饒勝事
心賞向誰傳

自喜

聖主知臣老羣公恕我真從來甘薄宦漸許乞閒身記
問隨年減方書以病親舊溪魚鳥在應待未歸人

寒食感懷

時先叔父致
已逾二年

寒食傷心節三生薊北遊無從見楊柳何處問松楸苦
憶音容在俄驚歲月流臨風數行淚灑不到荒丘

沙河

郭外青郊遠宸遊數往還平蕪元戰地遺鏃倘田間沙
漲寒河水天高接塞山從來防北口征戍此時閒

二

春色已過半何無一雁飛
地荒花樹少旱久麥苗稀
羽騎衝蒼靄宮車向翠微

孝陵聞不遠佇望欲沾衣

豆莊信宿喜方渭仁編修見過

野宿無遷次懷人夜月多
孤村來好客一騎度長河
高樹雀羣噪開門雲自過
誰知蓬徑裏握手得羊何

即過沙河橋訪渭仁

烟火相看近平沙見野橋畏人鷗鷺遠衝馬駱駝驕客
舍餘茶竈牀頭挂酒瓢相逢無好句春興向誰消

袁士旦歸里

春花欲暮天遊子問歸船櫻筍未殘日鮓魚初上筵倚
間歡老眼行篋滿詩篇更向新都過蓮峰杖屨邊

王良輔令零陵

正喜論詩好春山遠送行九疑攢翠嶂萬石擁孤城境
接春陵古心含鉛鋤清東風花爛漫遮莫動離情

龍雷岸移居

卜宅陶公興蓬門仲蔚幽琴尊餘舊物雲月得高樓爰
客深留坐耽書每借搜大雷鄉信好親健漫聞愁

孫樹百給諫典閩試

舊許文章伯重推侍從臣論才初秉鑑補牘數批鱗蛟
蜃為樓好珊瑚出海頻烽烟辛苦地應念泣珠人

二

星輶南去遠大火漸西流文字銷兵氣山川散旅愁異

書收百粵清嘯及三秋惜別還搔首聞天我舊遊

篋中偶檢得陳說巖學士北鎮集有作

別恨星霜久書傳驛路難一編隨手得盡日捲簾看使
節醫閭迴家山姑射寒廬居應有作莫惜寄長安

渡黃河

彩鷁橫飛緩神蛟偃息初沙晴浮漲減岼遠碧天虛瓠
子嗟民力龍門憶禹書中流簫鼓競把酒試河魚

汴中追悼趙錦帆

醉憶粗豪態詩從慷慨論同遊過汴水太息指夷門霜
白繁臺草烟迷兔苑樽中原今側首耆舊幾人存

先是張旗

明許荆漢彭禹峰諸公皆因錦帆定交

登汴城官閣客指嵩山數峰隱約可見因懷王阮

亭祭酒宋牧仲比部

晨光敞高閣風檻散烟霏河甸澄空霽嵩丘辨翠微霞
明看不遠雲白認疑非忽憶同心客憑欄攜手稀

聞朱悔人北闥被放

自抱詩篇在相憐人亦稀朔風黃葉落南楚片帆歸渚
畔褰芳近槎頭入饌肥當途能下士莫厭舊巖扉

時為徐方

伯子星
上客

霧

晚霧漲前路戎戎沾客衣石林看虎踞官道怪人稀傍
午青峰出寒天白日微丁寧遲雨雪早晚故園歸

行經商丘有懷宋牧仲比部

古郡風流地秋深樹色分高城銜白日大壑起寒雲文

雅何人會梁園舊蹟聞所思不可見黃菊對斜曛

城有文雅

臺

野飯

遠見數株樹到來三兩家荒廚留白飯野菊刺黃花小憩停驂好休辭歸路賒勞人遠躑躅逆旅是生涯

雪中有懷高遺山檢討

分手歲將殘孤雲向北看還因江路雪轉憶薊門寒閉戶人疑傲虛堂酒勸歡不知芸閣草斟酌幾時完

二

昔共繙書籍今憑護草堂

郎舍即予舊館

別離纔幾日南北苦

相望天闕雲霄迴寒燈午夜長作詩傳宴賞羨爾似班揚

湖北謁先墓

四世荒墳在三年展祭稀衰顏慙赤紱老淚重沾衣防虎來看怯刑牲逮養違講堂今寂寞戶牖滿伊威

江行連雪

連江三尺雪獨客片帆情近漱看難見重雲凍不行林
空飢雀墮風緊夜鶩鳴此去關心急中宵計水程

淳兒送余北發至燕子磯別去

遠送成留滯天風吹汝歸懸知別愁滿轉恨去帆飛歲
暮千端集家貧百計非驅馳自吾分莫更苦沾衣

金陵垂發恪兒復來侍余北上

愁眼一時開衝寒汝復來衰顏憑慰藉遠道苦遲回襖
被充書帙風霜付酒杯行吟須子細看爾後生才

元旦發高郵

此日即行役晨光得乍晴
蓬飛看歲序星爛起王程
雲物嘉祥見干戈絕徼平
彤廷應受賀虎拜萬方情

自高郵抵淮上書所見

客心驚節換景物轉淒其
俗豈忘歌鼓人今賤歲時
蛙生殘竈冷蛟觸舊隄移
辛苦春風意猶煩著柳吹

途中烈風示彥恪

追隨初涉遠捲地朔風寒
顏面經旬改衣裘此日單
竝

驅依好友積倦嬾朝餐
孤矢男兒志母嗟行路難

三月三日集萬柳堂奉和馮相國韻

直廬正微雨亭午復來過
時鳥窺簾數春風喚客多人
驚芳節換花照醉顏
酤不待攀楊柳憑欄自浩歌

二

羣彥文章盛公登大雅壇
鄉心夢巖壑野性嬾纓冠
傍水呼朋坐憐花帶雨看
時平觴詠得聖世有閒官

送陳太士歸

文字推能手，臯比合抗顏。
論交滿京雒，歸夢舊湖山。
水驛黃塵外，荷風畫舫間。
白公隄畔柳，何日得同攀。

二

吏隱餘書卷，山川得雉城。
茶看峒芥摘，人入畫溪行。
采藥老能健，授經閒自清。
陸皮游詠地，雅調有諸生。

馮武若佐沁州

壯年歡捧檄，老我別情深。
同舍一庭月，銜杯兩世心。
銅山來曙色，客路爽秋陰。
舊是名家子，漳河照素襟。

偶成

逐逐成何事勞勞誰共論微名看穴鬪散帙任風翻筋
力慙人問驅馳誤

主恩退朝清嘯得遮莫掩蓬門

二

敢謂交游薄逢時自覺難強吟供物後冷眼耐人看老
學頻知愧平心得少安朝朝憑藥餌斟酌當盤餐

走筆送陳仲亨歸里

鴻文曾領薦朱邱又傳經韋帶存儒素臯比見典型人
歸楓岸遠山抱草堂青斗酒牀頭在狂歌幾醉醒

二

旅食三年共鄉愁見面無秋風從此別舊好日應孤魚
蟹隨蘭棹烟波勸玉壺重期開笑口余亦返南湖

宋牧仲比部言預營菟裘名之曰綠波村聞之灑

然成二詩

中有芟梁放
鴈亭撈蝦步

歸心動官舍逸興奈君何野浦葺高館烟村名綠波魚

金
八
一
卷三十三
蝦隨網得雲霧入簾多此境幾時住相將河上歌

二

地靜眠鷗渚沙喧放鴨亭竹中何客到雲外幾峰青
病試餐霞法閒看種樹經到時塵事少耳目一時醒

寄高雲客閩中

不信干戈地猶傳萬里書林廬劫火後身世海波餘
天意存耆舊生涯穩釣漁十年尊酒濶白首付離居

二

萬事殘雙淚全生逐畏途行藏半明晦述作自江湖將
母魚蝦饌呼兒筭蕨舖時聞白衣使送酒及潛夫

學餘堂詩集卷三十三